

საპარლამენტო ასამბლეა

არაოფიციალური თარგმანი

რეკომენდაცია 1643 (2004)

საქართველოში დემოკრატიული ინსტიტუტების ფუნქციონირება

1. საპარლამენტო ასამბლეა, ევრობიუროსა და თავის რეზოლუციას 1363 (2004) საქართველოში დემოკრატიული ინსტიტუტების ფუნქციონირების შესახებ, აღნიშნავს, რომ მოელის საქართველოს ხელისუფლებისაგან შემდეგ:
 - i. გამოიჩინოს დაინტერესება ქვეყნის პოზიციის გასამყარებლად ევროპის საბჭოში და გააძლიეროს ურთიერთთანამშრომლობა და კვლავ ჩაერთოს ჭეშმარიტ და კონსტრუქციულ დიალოგში ევროპის საბჭოსა და საპარლამენტო ასამბლეასთან;
 - ii. შეაჩეროს ის ექსცესები, რომელთაც წლების განმავლობაში ადგილი ჰქონდათ საქართველოში ავტოკრატიული რეჟიმის დროს და გამოიჩინოს სურვილი უზრუნველყოს ინსტიტუციონალური ფუნქციონირება დემოკრატიის სტანდარტების და ევროპის საბჭოს პრინციპებისა და ღირებულებების შესაბამისად;
 - iii. დააჩქაროს რეფორმები ევროპის საბჭოში გაწევრიანების დროს საქართველოს მიერ აღებული ვალდებულებებისა და მოვალეობების შესაბამისად;
 - iv. აჩვენოს პლურალისტული დემოკრატიის პრინციპების პატივისცემის შესაძლებლობა; 2004 წლის 28 მარტს ჩატაროს დემოკრატიული, თავისუფალი, სამართლიანი, გამჭვირვალე და კონკურენტუნარიანი საპარლამენტო არჩევნები და დაუყოვნებლივ გამოასწოროს 2004 წლის 4 იანვრის არჩევნების დროს დაშვებული შეცდომები.
2. საპარლამენტო ასამბლეა ურჩევს მინისტრთა კომიტეტს გააძლიეროს ევროპის საბჭოს თანამშრომლობა საქართველოს ხელისუფლებასთან და მოუწოდებს დროულად ჩატაროს არსებულ საჭიროებათა სრულყოფილი და კონკრეტული შეფასება. ამის საფუძველზე თანამშრომლობისა და დახმარების პროგრამა მიუსადაგოს საქართველოში კანონის უზენაესობის გაძლიერებას, ჭეშმარიტად დემოკრატიული ინსტიტუტების ჩამოყალიბებას და ევროპის საბჭოს სტანდარტებთან შესაბამისობაში მყოფ კანონმდებლობის ეფექტიან განხორციელებას. ჩატარებული ღონისძიებების ეფექტიანობისა და ზემოქმედების შუალედური შეფასების ჩასატარებლად, საპარლამენტო ასამბლეა ასევე ურჩევს მინისტრთა კომიტეტს, მიიღოს დახმარების პროგრამის სწორი შეფასების მექანიზმი.
3. ასამბლეა განსაკუთრებით ურჩევს მინისტრთა კომიტეტს:
 - i. პლურალისტულ დემოკრატიასთან მიმართებაში, დაეხმაროს საქართველოს ხელისუფლებას, შესწორებები შეიტანოს საარჩევნო კოდექსში და საარჩევნო კანონმდებლობასა და მარეგულირებელ ნორმებში, რომლებიც უნდა განხორციელდეს 2004 წლის 28 მარტის საპარლამენტო არჩევნების პერიოდში. რაც გულისხმობს, საარჩევნო კომისიების

შემადგენლობაში ცვლილებებს, საარჩევნო პროცედურების გამარტივებას, ფარული კენჭისყრის დაცვას და საარჩევნო ხელისუფლების სახელმწიფო სტრუქტურებისადმი მიუკერძოებლობას;

ii. ინსტიტუტების ფუნქციონირებასთან მიმართებაში, დაეხმაროს საქართველოს ხელისუფლებას საკონსტიტუციო და საპარლამენტო რეფორმათა განხორციელებაში და მოითხოვოს შეძლებისდაგვარად დროულად მიეწოდოს ნებისმიერი საკონსტიტუციო შესწორების პროექტი საბოლოო სახის მიღებამდე ევროპულ კომისიას დემოკრატიისათვის სამართლის მეშვეობით (ვენეციის კომისია);

iii. სამართლის უზენაესობის პატივისცემასა და სამართალდამცავი ორგანოების ფუნქციონირებასთან მიმართებაში, მიაწოდოს იურიდიული საექსპერტო დასკვნები მომზადების პროცესში არსებულ კანონპროექტების მნიშვნელოვან ნაწილზე, კერძოდ, ახალ კანონპროექტზე პოლიციის შესახებ და კანონპროექტზე პროკურატურის შესახებ კანონში ცვლილებების შეტანასთან დაკავშირებით. ასევე, გააგრძელოს იურიდიული საექსპერტო დასკვნების მიწოდება სისხლის სამართლის საპროცესო კოდექსთან დაკავშირებით.